


محاط بالصغار

يوميات الباحث عن النقاء
وسط جثث النفسة



تأليف مريم توركان



محاط بالصغار

مریم تورگان

كتاب: مُحاط بالصفار

تأليف: مريم توركان (ستو مريم)

فريق العمل والإخراج الفني:

تمت مراجعة وإخراج هذا العمل بواسطة فريق MT
:Academy Freelancer

التدقيق اللغوي والنحوي: قسم اللغة العربية بـ MT
:Academy

التصميم الجرافيكي والغلاف: وحدة التصميم بـ MT
:Academy

التنسيق الداخلي (MT Academy Typist): MT
:Support

حقوق النشر: جميع الحقوق محفوظة للكاتبة وـ MT
:Academy © 2026

"أصل الحكاية تاريخ.. وفنّها تدقيق"

للتواصل مع فريق العمل أو طلب خدماتنا:

عبر التليجرام: MT_Academy_Support@

قناة الواتس اب الرسـمـية:

<https://whatsapp.com/channel/0029VbCG>

[93p8F2pEmb0hOV0](https://whatsapp.com/channel/0029VbCG)

الإهداء

إلى كل اللي قالولي "يا بختك" ..

إلى "عصافير" المكاتب، وأصحاب
"الضحكة الصفراء" اللي بتبان في الصور
السيلفي كأنها مغص كلوي ..

إلى اللي سألوني "جبتي منين؟" قبل ما
يقولوا "مبروك" ..

إلى اللي "بيبصوا لي في نعم ربنا
وبيستخسروا يبركوا" ..

إلى اللي "نسيوا عيونهم في حياتي" ..

إلى "طنط حشرية" اللي مركزة في حياتي
أكثر من تركيزها في مسلسلها التركي
المدبلج ..

أهديكم هذا الكتاب .. علشان بس تلاقوا
نفسكم في الصفحات، وتعرفوا إن "النبر"

بتاعكم اتحول لـ "أدب عالمي" هيدخلني
التاريخ..

موتوا بغیظكم.. أنا وثقت الصفار!

تمهيد

تنبيه هام (قبل ما تفتح الكتاب):

عزيزي القارئ "المُحاط بالصفار"،
وعزيزي القارئ "اللي بيصفرّ وهو مش
واحد باله":

الكتاب ده مش مجرد ورق، ده "صيديلية
نفسية" متنقلة.

قبل ما تبدأ، تأكد من الآتي:

معاك ليמוونة كبيرة (عشان تعصرها على
أي حد يحاول يسفه من نجاحك وأنت
بتقرأ).

لابس "خوذة" عشان فيه جبهات كتير
هتطير في الفصول اللي جاية.

مأمن نفسك "إلكترونيًا"، لأن بمجرد ما
تخلص الكتاب ده، "رادارات" الصفار اللي

حواليك هـ تـلقـط إنـك "فـهـمـت الـعـبـة"،
وساعتها هيبداوا يغيروا التكتيك.

نحن هنا لا ننتقد البشر، نحن فقط نقوم بـ
"تحليل كيميائي" لعنصر (الصفار) الذي
أصبح يغطي مساحات شاسعة من كوكبنا،
لدرجة إننا بقينا محتاجين "فلتر" مش بس
للصور، لا.. لقلوب الناس اللي حوالينا
كمان.

اربطوا الأحزمة.. واجهزوا للضحك المرّ..
لأن الحكايات اللي جاية "من قلب الواقع"،
ومن قلب "المرارة" برضه!

المقدمة

يا مساء النور على الناس اللي عايشة في
"خلاط" مبيفصلش..

عزيزي القارئ، لو فاكّر إنك لوحدهك اللي
مُحاط بشوية "ليمون معصور" في صورة
بني آدمين، تبقى غلطان.

إحنا عايشين في زمن "الصفار" فيه بقى
موضة، والـ "نفسنة" بقت أسلوب حياة.
يعني تشتري موبايل جديد، تلاقي شاشته
اتشرخت وأنت لسه بتشيل اللصقة، ليه؟
علشان "حمادة نبر" بص لك بتركيز K4.
تترقى في شغلك، تلاقي السخان في البيت
ضرب، ليه؟ علشان "صفاء كيداهم" قالتك
"يا بختك يا سيدي، السلم بقى شغال معاك
حلاوة".

الكتاب ده مش كتاب تنمية بشرية هيقولك
"تجاهلهم"، لأنك لو تجاهلتهم هيطلعوا لك
في الحلم يشدوا الغطا من عليك! الكتاب ده
"كتالوج" بيشرح لك أنواع "الديناصورات
المنفسنة" اللي في حياتك، وإزاي تتعامل
معاهم بالمنطق الساخر اللي يخليك تضحك
بدل ما تروح تفتح نني عينك عند دكتور
العيون.

اربط الحزام، وجهز بخاخة مياه بملح،
وافتح أول صفحة.. لأنك غالباً هتلاقي
صورة حد تعرفه، أو صورة "حمادة" اللي
قاعد جنبك دلوقتي وبيسألك: "بتقرأ إيه يا
بختك؟"



الباب الأول

قانون الصفار رقم (1):

الصفار لا يُفنى ولا يُستحدث من عدم،
ولكنه ينتقل من زميل لآخر بمجرد ما
تشترى موبايل جديد أو تظهر عليك علامات
النعشة.

الحكاية الأولى

"الموبايل اللي جاب آخره"

"مؤمن" .. شاب مكافح، شغال في شركة
"الاستقرار في المجهول"، حويط شوية
بس غلبان.

"عصام نبر" .. الزميل اللي بيشوف الـ
G4 في موبايلك كأنه تهديد للأمن القومي.

تبدأ الحكاية:

دخل "مؤمن" المكتب الصبح وهو يحاول
يخبي الموبايل الجديد في جيبه، مش بخل،
بس هو عارف إن المكتب فيه "رادارات"
بتلقظ ريحة الكرتونة وهي لسه في المحل.
لكن سوء الحظ خلاه يطلعاه علشان يرد
على مكالمة من والدته.

في أقل من 1.2 ثانية، كان "عصام نبر"
واقف فوق راسه زي عزرائيل المكاتب،
وعينه لمعت بوميض أصفر فاقع:

"أوبالالال! إيه يا عم الشياكة دي؟ ده
الموديل الجديد؟ بكام ده بقي إن شاء الله؟"

مؤمن (وهو يحاول يداري الشاشة): "ده
حاجة بسيطة يا عصام، قسط والله."

عصام (بضحكة صفراء كأنها ليمونة
معصورة): "قسط إيه يا راجل، ده أنت اللي
زيك دلوقتي بيصيف في الساحل! مبروك يا
سيدي، بس خد بالك.. الشاشات دي بتشرخ
لوحدتها، والبطارية بتنفخ في الصيف ده،
اسألني أنا.. ده جار ابن خالة طنط سوسو
جابه ومنفجرش فيه غير بعد أسبوع!"

المفاجأة:

مؤمن رجع البيت، لقي الموبايل اللي لسه
مكملش 24 ساعة، الشاحن بتاعه اتحرق،
والواي فاي بقى بيقطع، وأمه اتصلت بيه
قالتله: "يا ابني أنا كنت بكلمك الصبح
علشان أقولك إن خالتك "صفاء" سألت
عليك وقالتلي مؤمن جاب موبايل جديد
مين؟"

هنا مؤمن أدرك الحقيقة:

إنه مش محاط بزملاء عمل، هو محاط بـ
"مفاعلات نووية" من الصفار، وإن
الموبايل محتاج "خرزة زرقاء" بدل
"الجراب السيلكون".

خاتمة الحكاية:

"عزيزي المنفسن.. لو الموبايل بتاعي
عاجبك، خد رقم السريال وابحث عنه في

جوجل، بس سيب السريال بتاعي يعيش في
سلام الله يبارك لك!"

الحكاية الثانية

"دايت المنفسنين"

قانون الصفار رقم (2):

الوحيد اللي هيحسسك إنك بقيت "عارض
أزياء" بمجرد ما تخس نص كيلو، هو
الشخص اللي عايز يعزملك فورًا على صينية
بسبوسة بالسمنة البلدي.. عشان "وشك
خاسس ومحتاج يورّد".

مؤامرة طبق المحشي

"سارة".. قررت تقفل بؤها وتعمل دايت بعد
ما اكتشفت إن الشتوي بتاع السنة اللي
فاتت بقي "بادي" كارينا عليها.
"سوسن سكركر".. الصديقة اللدود اللي
بتشوف في عزيمتك خطر على أمنها
الغذائي.

تبدأ الحكاية:

دخلت سارة المكتب وهي شائلة "اللانث بوكس" فيه خيارة وربيع فرخة مشوية، وتفاحة وموزتين. كانت حاسة بانتصار وهي شايقة الميزان نزل 2 كيلو.

فجأة، ظهرت "سوسن سكركر" وهي شائلة شنطة ريحها "تقلية" تجيب التايه.

"سارة! إيه ده؟ أنتِ خسييتي أوي يا بنتي! لا لا.. شكك بقى مجهد جدًا، وتحت عينيك اسودّ، ده وشك بقى قد اللقمة!"

سارة (باعتراز): "أبدأ يا سوسن، ده دايت صحي وبجد مرتاحة.."

سوسن (وهي بتطلع طاجن ورق عنب بالكوارع): "صحي إيه يا حبيبتي؟ الصحة في اللقمة! ده أنا قولت النهاردة يوم "الفري" بتاعي وعملت حسابك معايا،

والبيت كله بيحلف بالمحشي ده.. والله ما
كسفتيني، ده أنت ليك معزة خاصة، هتاكلي
يعني هتاكلي!"

المأساة:

تحت ضغط "الفسنة المغلفة بالحب"، سارة
ضعفت وأكلت أول صباع.. ومن هنا فرط
العقد.

سوسن فضلت تبص لها بابتسامة نصر
صفراء وهي بتقول: "شفتي؟ وشك نور
إزاي؟ كلي كمان ده المحشي مبيتخنش، ده
خضار وفيه رز بسيط!"

سارة روجت البيت لقت نفسها زادت الـ 2
كيلو في قعدة واحدة، واكتشفت إن سوسن
"سكركر" أصلاً عاملة تكميم ومبتاكلش،
بس بتحب تشوف غيرها "مكلبظ" عشان
تحس بالفرق!

نصيحة ودودة:

النصيحة هنا لكل "سارة" في الدنيا: اللي
يقولك وشك خاسس ومحتاج يورّد وهو
شاييل طبق حلويات، ده مش خايف على
صحتك، ده خايف على "رشاقتك". كلى
الخيارة بتاعتك في صمت، ولما يسألوك
أنت خسيّتي إزاي؟ قولي لهم: الله.. بجد؟ ده
أنا حاسة إني تخنت!.. الصفار بيخاف من
الناس اللي مش حاسة بقيمة نفسها، فـ
ادّعي التواضع عشان تعيشي في سلام.

الحكاية الثالثة

"فرحة طنط حشرية.. أو الجوازة اللي بالكهرباء"

قانون الصفار رقم (3):

الرغبة المحمومة لبعض الناس إنهم "يفرحوا بيك"، مبيكونش غرضها لبسك للفستان الأبيض، بقدر ما غرضها إنك تدخل "القفص" زيهم.. عشان متبقيش الوحيدة اللي قاعدة برا بتستمتعي بهدوء أعصابك وهما جوه بيحاربوا المواعين.

العريس السوبر لوكس

"ليلي".. بنت ناجحة، عندها كارير، وبتحب حياتها الهادية.

"طنط فوزية".. الشهيرة بـ "رادار العرسان"، سيدة تمتلك قدرة خارقة على

شم ريحة "العزوبية" من على بُعد 3
كيلومترات.

تبدأ الحكاية:

في فرح بنت خالة ليلى، كانت ليلى قاعدة
في حالها بتستمتع بالبوفيه، وفجأة حسّت بـ
"نفس حامي" ورا ودها وريحة بخور
مختلطة بريحة "صفار" عتيق. كانت طنط
فوزية.

"مش هنفرح بيك بقي يا ليلى؟ ده أنا
جايبالك عريس.. يا أرض اتهدي ما عليك
قدي! مهندس، وعنده شقة، ومبيدخنش،
وعنده غسالة أطباق 14 فرد!"

ليلى (بابتسامة دبلوماسية): "يا طنط أنا
مش بفكر في الموضوع دلوقتي، مركزة في
شغلي.."

فوزية (بشهقة مكتومة): "شغل إيه يا بنتي؟ الشهادة الكبيرة هي الشهادة اللي هتاخديها من بيت جوزك! وبعدين ده العريس لُقطة، هو بس عنده "شوية تكات".. بيحب ينام في الصالون، وعنده 7 أخوات بنات ساكنين معاه، وبيمشي بجدول للمصاريف.. بس "بيحب ربّنا" وهيفرح بيك!"

المأسة:

طنط فوزية مسبتش ليلى، فضلت طول الفرح تحكي للمعازيم إن ليلى "بترفض النعمة" وإن "قطر الجواز مبيستتاش حد"، لحد ما خلت ليلى تحس إنها لو متجوزتش المهندس صاحب الـ 7 أخوات النهارده، بكرة الصبح هيطلع لها "ريش" وهتتحول لعنكبوت في ركن البيت.

اكتشفت ليلي بعدها إن العريس ده يبقى
"ابن أخت طنط فوزية" اللي محدش طايقه
في العيلة، وهي عايزة تخلص منه وتدبسه
في ليلي عشان "تكسر مناخيرها" وتشوفها
وهي بتخدم الـ 7 أخوات!

نصيحة ودودة:

النصيحة الذهبية لكل "ليلي": لما طنط
حشرية تقولك "نفسي أفرح بيك"، ردي
عليها بابتسامة أصفى من نيتها وقولي: "يا
حبيبتي يا طنط، ما أنا فرحانة بنفسي أهو
والحمد لله، وأنتِ كمان افرحي معايا بلاش
تشيلي همي عشان السكر ميعلاش عليك".
افتكري دايماً إن قطر الجواز اللي هما
خايفين يفوتك، أحسن بكتير من قطر
يدوسك لمجرد إنك خايفه من كلام الناس.

الحكاية الرابعة

"صاحب الصاحب.. ولا صاحب السيطرة؟"

قانون الصفار رقم (4):

النوع ده من الصفار مبيكتفـيش إنه يغير منك، ده عايز "يفصّلك" على مقاسه.. الصديق الأصفر هنا بيعتبر جدعتك "ضعف"، وطيبتك "ساحة نفوذ"، وقائمتـه السوداء لازم تكون قائمتك السوداء بالتبعية، وإلا فأنت خائن للعيش والملح اللي هو غالبًا أكله لوحده.

ريموت كنترول الصاحب

"حسن".. الجدع اللي قلبه أبيض، اللي بيمشي بمبدأ "المسألة مش مستاهلة زعل".

"شريف كنترول" .. الصديق اللي بيرفع
شعار "من ليس معي فهو ضدي"، ويحب
دور "زعيم العصابة".
تبدأ الحكاية:

حسن كان قاعد في أمان الله بيسلم على
"خالد" زميلهم القديم في الشارع، وفجأة
لمح "شريف" جاي من بعيد بوش أصفر
زي الكركم. شريف مسك حسن من إيدته
وشده كأنه بيقبض عليه:

"أنت بتسلم على خالد؟ أنت مش عارف إن
بيني وبينه سوء تفاهم من سنة 1995؟
إزاي تهون عليك عشتري وتسلم على
عدوي اللدود؟"

حسن (بدهشة): "يا شريف ده مجرد سلام،
وبعدين أنت اللي زعلان منه أنا مالي؟ خالد
راجل محترم معايا.."

شريف (بعضية صفراء): "المحترم معايما
محترم معاك، والله ما طايقه يبقى الله ما
تطبيقه! أنت صاحبى يعنى تمشي
بمسطرتي.. تصالح اللي أصالحهم وتخاصم
اللي أخاصمهم، يا إما بقى تروح تصاحب
خالد وتشطب اسمي من دفترك!"

المأساة:

حسن لقي نفسه تحت ضغط "ابتزاز
عاطفي" غريب. شريف بدأ يراقبه، لو عمل
"لايك" لشخص شريف بيكرهه، يجيله
تليفون تحقيق: "أنت عامل لايك لفلان؟ ده
أنت كده بتطعني في ضهري!"

شريف عايز يحول حسن لـ "روبوت"
بيتحرك بريموت كنترول، ولو حسن فكر
يمارس أبسط حقوقه الإنسانية في إنه يقرر
مين يحبّه ومين يكرهه، شريف بيقلب

الترابيزة ويطلعاه "قلايل الأصل"
ومبيصونش الجميل، لمجرد إنه مرضيش
يكون "نسخة كربونية" من غلّ شريف.

نصيحة ودودة:

النصيحة هنا لكل "حسن":
الصاحب اللي
يحطك بين اختياريين (يا أنا يا كرامتك
وإرادتك)، اختار كرامتك وأنت مغمض.
الصدقة سند مش قيد، والجدعة إنك تقف
مع صاحبك في الحق، مش إنك تكون "تابع"
في الباطل. اللي يحبك بجد هيحترم
خصوصيتك واختلافك، واللي عايز يمشيك
بمزاجه ده مش صاحب صاحبه، ده
"صاحب مصلحة" عايز يملأ فراغه
النفسي بيك. اقطع "الريموت" ده وعيش
بجد عنك للناس اللي تستاهل فعلاً.

الحكاية الخامسة

"رتبة مدام.. وحرب العوانس المتخيلة"

قانون الصفار رقم (5):

الجمال أو النجاح أو حتى راحة البال عند
"الآنسة" يمثل تهديد مباشر لـ "المدام"
اللي شايقة إنها خلصت السبق، فبتحاول
دائمًا تبروز تعبها ومسئولياتها كأنها
"نيشان" على صدرها، وفي نفس الوقت
تحسسك إن حياتك ناقصة "كتالوج" عشان
تكتمل.

نظرة الشفقة المسمومة

"هنا".. بنت ذكية، مهتمة بنفسها،
وبتحقق نجاحات في شغلها، ومقررة
متجوزش إلا لما تلاقي الشخص الصح.

"بنت العمّة سوسو" .. اللي اتجوزت من
سنتين ومعها طفلين، وشايفة إن "المدام"
لازم يكون لها "الهيبة".

تبدأ الحكاية:

في قعدة عيلة يوم الجمعة، دخلت "هنا"
وهي لابسة طقم شيك ووشها منور، وقبل
ما تقعد، لقطت "سوسو" وهي بتبص لها
من فوق لتحت بابتسامة صفراء باهتة:

"يا روي يا هنا.. محلوّة ورايقة كده
وشكك نايمة 12 ساعة.. يا بختك يا بنتي
بجد، الفراغ نعمة برضه! مش زينا إحنا يا
"مدامات" شايلين الهم والمسئولية والعيال
والبيت اللي مبيخلصش.. والله يا بنتي أنا
نسيت شكل المكياج ده من يوم الدخلة!"

هنا (بهدوء): "ربنا يعينك يا سوسو، بس
أنتِ اللي شطورة ومسيطرة أهو."

سوسو (وهي بتمسح بوق ابنها في فستان
هنا): "يا حبيبتي إحنا خدنا نصيبنا من
الدلع خلاص، الدور والباقي عليك.. بس
خدي بالك العمر بيجري، والجمال ده مش
هيدوم.. بكره لما تتجوزي وتخلفي هتعرفي
إن "شغلك" ده كلام فاضي وإن الراجل
والبيت هما الستر الحقيقي.. بس يا عيني
أنتِ لسه صغيرة ومجربتيش يعني إيه
تضحية!"

المأساة:

"سوسو" مش بس بتبخ سم في القعدة،
دي طول الوقت بتحاول تظهر "هنا" قدام
العيلة كأنها بنت "تافهة" أو "مرفهة
زيادة"، ولما "هنا" تنجح في كورس أو
تاخذ ترقية، سوسو تقول: "طبعا ما هي
موراهاش غير نفسها، لو وراها عيل

بیسہرہا مکنش عرفت تفتح کتاب".
سوسو بتسخدم "تعبها الزوجي" كـ
"سلاح" عشان تكسر فرحة "هنا" بشبابها
ونجاحها، لمجرد إنها غيرانة من حرية هنا
اللي هي افتقدتها.

نصيحة ودودة:

النصيحة الذهبية لكل "هنا" بتسمع الكلام
ده: لما حد يحاول يحسسك إن "راحتك"
دي نقص أو عيب، قولي له: "الحمد لله إن
ربنا مدي كل واحد على قد طاقته، أنتِ قد
المسئولية وأنا قد النجاح. الجواز رزق،
والوقت اللي أنتِ فيه ده برضه رزق من
ربنا لازم تستمتعي بيه. متخليش حد يحول
"إنجازاته الاجتماعية" لـ "قيود نفسية"
ليك. أنتِ كاملة كآنسة أو كمدام.. والصفار

اللي حواليك ده دليل إنك "منورة" زيادة
عن اللزوم!



الباب الثاني

الحكاية السادسة

"وحوش اللايك.. وصفار الستوري"

قانون الصفار رقم (6):

الأصفر إلكترونيًا هو الشخص اللي بيراقب كل "ستوري" بتنزلها في ثانية، وبيركز في "انعكاس صورتك" على كوباية الشاي عشان يعرف أنت قاعد فين ومع مين، ومع ذلك عمره ما هيعملك "لايك".. لأنه بيعتبر التفاعل معاك اعترافًا رسميًا بنجاحك، وهو مهمته "الرقابة" مش التشجيع.

المحقق كونان المنفسن

"نور".. بظلة مجتهدة، بتحسب تشارك لحظاتها الحلوة وتعبها في الشغل مع الناس بصدق.

"داليا سكرين شوت" .. المتابعة الصامته
التي تمتلك "أرشيفًا" لكل تحركاتك،
وتستخدمه في "القصف" تحت الحزام.
تبدأ الحكاية:

نور نزلت صورة لـ "لاب توب" جديد جابته
بعد شقى وتعيب في الأكاديمية، وكتبت
"الحمد لله". في أقل من دقيقة، لقت
"داليا" شافتها بس معملتش أي تفاعل.
نور مهتمتش، بس المفاجأة كانت في
"جروب الواتساب" المشترك بين الصحاب.

داليا بعثت صورة الالب توب (سكرين شوت
طبعًا) وكتبت:

"يا جماعة، شفتوا نور جابت إيه؟ ماشاء
الله.. بس غريبة أوي، الالب ده غالي جدًا،
هي لحقت تلم تمنه منين؟ أنا شاكة إنها
وارثة! وبعدين الموديل ده بيسخن بسرعة

جداً، أنا لو مكانها كنت جيت دهب أحسن..
بس طبعاً الفشخرة كدابة!"

المأساة:

نور عرفت باللي حصل، وحست بضيق..
ليه الفرحة لازم تتسمم؟ داليا مش بس
بتراقب، دي بتدخل "تحشر" نفسها في
تفاصيل حياتك من ورا الشاشة. لو نزلت
صورة أكلة حلوة، تبعتك خاص: "يا بختك،
أنا مش باكل غير عيش وجبنة". لو نزلت
صورة نجاح، تقولك: "عقبال ما تتجحي في
حياتك الشخصية". هي عايزة تحسسك إن
كل اللي بتعملينه "ناقص" أو "مش من
حقك"، وهي قاعدة بتعد عليك الأنفاس
واللايكات.

نصيحة ودودة:

النصيحة الذهبية لكل "نور" بتعرض لغزو الصفار الإلكتروني: السوشيال ميديا هي "واجهه"، والناس الصفراء تبص على الواجهه وبتنسى "المخزن" اللي مليان تعب وشقى. متوقفيش نشر نجاحك عشان خايفة من عينهم، بالعكس.. "داري على شمعك تقيد" في التفاصيل، بس "انشري نجاحك" في العموم. وخليك فاكرة إن "البلوك" (Block) ميتسماش قلقة ذوق، ده بيتسمى "صيانة للصحة النفسية". اللي يراقبك عشان ينقذك، اديله تذكرة خروج نهائي من حياتك الإلكترونية وعيش بروقان!

الحكاية السابعة

"مؤامرة الكاريزما.. ومعركة القبول"

قانون الصفار رقم (7):

الصفار الحقيقي مبيجيش من "الفقر"، ده بيجي من "فقر الروح". الأصفر هنا ممكن يكون عنده كل نعم الدنيا (فلوس، منصب، جمال)، بس عينه هتفضل "رادار" بترصد "حب الناس" ليك. هو بيعتبر إن حب الناس ده "تورته" وأنت أخذت نصيبه منها، مع إن القبول ده "بصمة روح" مش رصيد بنكي.

هو أنت بتوزعي عليهم سكر؟

"هالة".. إنسانة بسيطة، وشها بشوش، وطبيعتها "خدومة". محبوبية وسط أهلها وزمايلها وجيرانها، والناس بترتاح لكلامها من غير مجهود.

"نجلاء".. الزميلة "المتريشة" اللي عندها
أغلى براندات، وأحدث موبايل، وعربية
موديل السنة، ومع ذلك لما بتدخل مكان
"الجو بيبوخ" والناس بتبعد عنها.

تبدأ الحكاية:

نجلاء كانت قاعدة في المكتب بتبص لـ
"هالة" وهي محاطة بالزملاء اللي جايبين
لها "وردة" بسيطة بمناسبة نجاحها في
ورشة عمل، والضحك مالي المكان. نجلاء
اتضايقت من جواها، وبدأت تهمس للي
جنبها بصوت مسموع:

"أنا مش فاهمة بجد.. إيه الهيصه دي
كلها؟ هي هالة عملت إيه يعني؟ دي حته
موظفة عادية! أنا لما عملت عيد ميلادي
في أفخم أوتيل محدش جاب لي وردة كده..
هي بتوزع عليهم سكر ولا عامله لهم عمل؟

الناس دي ذوقها بقى غريب أوي، بيحبوا
الغلابة لمجرد المنظره!"

المأساة:

نجلاء مش قادرة تستوعب إن "حب
الناس" مبيشترش بفلوسها. بدأت تحاول
"تستعرض" نعمها عشان تكسر هالة؛
تدخل المكتب تقول: "أصل أنا كنت بتعشى
في الساحل إمبارح".. فتلاقي الناس ترد بـ
"يا ستي ألف هنا" ويرجعوا يكملوا حكاوي
مع هالة.

هنا "الصفار" بيتحول لـ "تتمر"؛ نجلاء
تبدأ تسأل هالة بخبث: "هو أنتِ بتلبسي
الطقم ده كل أسبوع ليه يا حبيبتى؟ لو
محتاجة لبس من بتاعي القديم أدهولك!".
هي عايزة تحسس هالة إنها "أقل" ماديًا
عشان تبرر لنفسها ليه الناس بتحب هالة..

لأنها لو اعترفت إن هالة "أفضل روحياً"،
كبريائها الأصفر هينفجر!

نصيحة ودودة:

النصيحة الذهبية لكل هالة: القبول ده
"منحة" من ربنا للقلوب الصافية، والرد
على الشخص اللي بيسأل "بيحبوك على
إيه؟" هو السكوت بابتسامة. متبرررش حب
الناس ليك، ومتعتذريش عن روحك الحلوة.
الشخص اللي عنده "كل حاجة" ومع ذلك
بيبص على "حب الناس" اللي عندك، ده
شخص "جعان روحياً" وعمره ما هيشبع.
استمر في جدعتك وبساطتك، وخلي
"صفارهم" يتحرق بنور "قبولك" اللي
ملوش تمن!

الحكاية الثامنة

"حرب الجدعة الزائفة.. وصفار القعدة
والقهوة"

قانون الصفار رقم (8):

صفار الرجالة مبيدأش بـ ياي ويا مامي،
ده بيبدأ بـ "يا عم كبر مخك" وأنت صدقت
نفسك؟ الأصفر هنا هو صاحب اللي يكسر
مقاديفك بكلمة وهو بيضحك، ويحسسك إن
أي نجاح وصلت له هو "ضربة حظ" أو
"واسطة"، لأنه ببساطة مش قادر يشوفك
سبقت بـ "خطوة" وهو لسه واقف مكانه.

نبرة الصوت العالية والقلب الأصفر

"عادل".. راجل شقيان، جاب عربية
"مستعملة" بس نظيفة بعد سنين توفير،
وطاير بيها من الفرحة.

"سيد فتاي" .. صاحب اللي "عارف كل حاجة"، وشايف إن أي حاجة مع غيره هي "خازوق" مغلف.

تبدأ الحكاية:

عادل راح القهوة بالعربية الجديدة، ونزل منها وهو مبتسم. "سيد فتاي" أول ما شاف العربية، مقالش كلمة "مبروك"، لأ دا قام وقف ولف حوالين العربية كأنه "مُعَاين حوادث":

"أوبالال.. أنت جبت دي يا عادل؟ يا راجل كنت قولي! الموديل ده فيه عيب قاتل في "الفتيس" ومصاريفه بتفتح، ده أنت كدة لبست في حيطه! وبعدين اللون ده "بيبهت" بسرعة تحت الشمس.. والله يا صاحبي أنا خايف عليك، دي عربية "معيوبة" وصاحبها أكيد ضحك عليك!

المأساة:

عادل اللي كان جاي يوزع "حاجة ساقعة"
من فرحته،لقى نفسه قاعد شاييل هم
"الفتيس" واللون اللي "بيبهت". سيد
مبيكتفيش بكده، ده لو عادل حكى عن ترقية
في الشغل، سيد يقوله وسط القعدة: "يا عم
ده المدير بيمشيك بمزاجه عشان كده رقاك،
أنت غلبان يا عادل ومبتفهمش في
السياسة".

سيد بيستخدم "التقليل" كسلاح عشان
يفضل هو "الكبير" والمسيطر، وأي خروج
لعادل عن منطقة "الفشل" أو "العادية"
بيمثل تهديد لـ "سيد" اللي مبيعرفش ينجح
غير بلسانه بس!

نصيحة ودودة:

النصيحة الذهبية لكل "عادل": الراجل اللي
ميفرح لكش بقلب صافي وقت نجاحك، ده
مش "صاحب عمر"، ده "مُحِبُّ محترف".
اللي ينبر في حاجتك الجديدة ويطلع فيها
العيوب السبعة، ده شخص بيحاول يغطي
على "نقصه" بكسر فرحتك. الرد عليه مش
بالخناق، الرد بكلمة واحدة: الحمد لله،
عاجباني بفلوسي وبعيوبها. وساعتها سييه
ياكل في نفسه وهو بيدور على عيب جديد،
وخليك أنت سابق بـ أميال.. لأن القافلة
تسير، والأصفر يفضل ينبش في الفتيس!

الحكاية التاسعة

"نبر الملاعب.. واعتزال الموهبة"

قانون الصفار رقم (9):

الأصفر هنا هو الشخص اللي مش قادر
يوقف كورتك بالمهارة، فيقرر يوقف
"رجلك" بالنبر أو بالخشونة المتعمدة.

عين في الجون.. ورجل في الجبس

"زياد".."حريف" بالفطرة، لمستته للكورة
بتخلي المدرجات (حتى لو كراسي القهوة)
تسقف له. شاب طموح وعينه على
الاحتراف.

"كابتن هبيدة".. صاحب اللي بيلعب معاه
"خماسي" كل أسبوع، اللي بيكره يشوف
الكورة بترقص بين رجل زياد وهو مش
عارف يقطعها.

تبدأ الحكاية:

زياد نزل الملعب، وعمل "دريبل" خيالي
رقص فيه نص الفريق، ومن ضمنهم
"هبيدة". القعدة كلها قامت تهتف لزياد، إلا
هبيدة اللي وشه بقى لونه أصفر زي
"كارت الإنذار".

بص لزياد وقال بصوت عالي:

"إيه يا عم ميسي؟ براحة على نفسك
شوية، ده أنت رجلك دي "مدافع رشاشة"..
مفيش مرة بتشوط وتجلي؟ ده أنا لو مكانك
كنت زمني بلعب في ليفربول دلوقتي!"

المأساة:

زياد كمل لعب، وبنفس الرجل اللي "هبيدة"
نبر فيها، جه يشوط كورة عادية جدًا،
وفجأة سمع صوت "طرقعة". وقع في
الأرض مش قادر يتنفس، وهبيدة واقف

فوق راسه بيقول بيرود: "شفت؟ قولتك
براحة، أنت اللي بتحمل على رجلك
زيادة!".

زياد اكتشف إنه عنده "رباط صليبي"،
والموضوع مش بس إصابة، ده "هبيدة"
فضل وراه بالإحباط: "يا عم خلاص كبرت،
الكورة دي للصغيرين، ارضى بنصيبك بقى
واقعد جنبنا". زياد من كتر "النبر" والكلام
السلبى، فقد الشغف وقرر يبيع حذاء الكورة
ويبطل يلعب تمامًا، وهبيدة بقى هو "نجم"
التقسيمة الوحيد.. مش بشطارته، بس لأنه
"طفى" النور اللي كان مغطي عليه!

نصيحة ودودة:

النصيحة الذهبية لكل موهوب زي "زياد":
موهبتك دي أمانة، وحصنها بـ "الأذكار"
قبل ما تنزل الملعب، وبلاش تحكي عن

عروض أو نجاحات قدام ناس "نفسها
قصير". الإصابة ممكن تكون قدر، لكن
"الاستسلام" هو اللي بيدي للأصفر حق
الانتصار. لو رجاك تعبت، روحك لازم
تفضل تعافر. ارجع للملعب ولو بعد حين،
لأن أكبر رد على "هبيدة" وأمثاله هو إنك
تجيب "جون" في شباك يأسهم!

A cartoon illustration of a man with white hair and a white lab coat, looking extremely distressed with a wide-eyed, open-mouthed expression. He is being held back by two large, yellow, gloved hands. The background is a pale yellow, filled with numerous small, green, cartoonish eyes looking towards the man. The overall style is a simple, bold cartoon with a limited color palette.

الباب الثالث

الحكاية العاشرة

"نيران الغدر العائلي.. واغتيال السمعة"

قانون الصفار رقم (10):

الأقربون صفارًا هما اللي عارفين
"مداخلك"، فبيس تخدموا المعلومات اللي
عندهم عشان يبتكروا قصص وهمية تليق
بيك.. الأصفر هنا بيعتبر نجاحك "إهانة"
ليه، فبيقدر إنه لو مش هيقدر يكون زيك،
يبقى يخلي الناس تشوفك "بشع" زيه.

حكايات في ضهرك

"عمر".. شاب ناجح، سيرته زي الفل،
والناس كلها بتثق فيه وبتحبه لشهامته
ونقاؤه.

"ابن خاله رشاد" .. اللي عايش في ظل
عمر ومحروق من "سيرة عمر الحلو" في
كل قعدة عيلة.

تبدأ الحكاية:

عمر كان بيحضر مناسبة عائلية، ولاحظ إن
بعض القرايب بيصوا له بنظرات غريبة،
والوشوشات بتبدأ أول ما يدخل. مكنش
عارف إن "رشاد" بقاله شهر شغال
"نحات"؛ بينحت في سمعة عمر بالباطل.

رشاد كان بيقد مع القرايب ويقولهم بخبث:

"يا جماعة أنتوا مخدوعين في عمر.. أنا
عارفه أكثر منكم، ده بيعمل كده قدامكم بس
عشان "المنظرة"، لكن أنا شفته بيعمل كذا
وكذا.. وبعدين الفلوس اللي معاه دي؟ دي
مش من تعبته، ده دخل في سكة مش تمام..

بس خلوا السر ده بيننا، أنا بقولكم عشان
خايف على سمعة العيلة!"

المأساة:

عمر اكتشف إن أقرب الناس ليه بدأوا
يصدقوا "رواية رشاد" لمجرد إن رشاد
"قريب" ومطلع على التفاصيل. رشاد
محكاش الحقيقة، رشاد "ألف" نسخة ثانية
من عمر تخلي الناس "تكرهه" بدل ما
"تحسده". هو مش قادر ينافس عمر في
الأدب، فقرر يلبسه ثوب "قليل الأدب" بكلام
ملوش أساس من الصحة، عشان يطفى
"اللمعان" اللي في عين الناس تجاه عمر.

نصيحة ودودة:

النصيحة الذهبية لكل "عمر" بيتعرض
للغدر ده: السمعة الطيبة زي "الذهب"،
مهما رشقوا فيها طين، بمجرد ما بتزل

عليها "مطرة المواقف الحقيقية" بتلمع
تاني وبترجع أحسن من الأول. متضيعش
وقتك في تبرير نفسك لكل واحد سمع كلمة،
اللي بيحبك بجد هيواجهك، واللي عايز
يصدق فيك الوحش هيصدقه حتى لو حلفت
لله على المصحف. خلي ردك هو
"الاستمرار في النجاح"، لأن مفيش حاجة
بتجنن الأصفر قد إنه يشوفك ناجح ومبسوط
وكأن كلامه "هواء" محركش شعرة منك!"

الحكاية الحادية عشرة

"نص دسطة صفار.. وعقدة الجواز الفيك"

قانون الصفار رقم (11):

الأصفر هنا بيعتبر إن "سوء اختياره" هو القاعدة العامة للكون. هي الشخصية اللي استهلكت كل فرص الرجوع عشان تجيب "نص دسطة عيال" من شخص هي عارفة إنه مبيصلحش، وفي الآخر بتنصب نفسها "مفتي الديار" في شئون كره الرجاله، لمجرد إنها خايفة تشوفي "النسخة الحلوة" من الحياة اللي هي حرمت نفسها منها.

مؤتمر كارهات الرجال

"داليا".. آنسة واعية، بتختار بعقلها، ومش مستعجلة على الجواز لمجرد الجواز.

"مدام عبير" .. اللي خلفت 6 عيال من زوج "مش مناسب للأبوة والجواز" وهي عارفة ده من أول عيل، ومع ذلك كملت "عندًا في الظروف".

تبدأ الحكاية:

في أي قعدة ستات، أول ما "داليا" تفتح سيرة إنها متقدم لها عريس، بتلاقي "عبير" اتحولت لـ "بومة نذير الشؤم".
عبير بتميل عليها وهي شايلة العيل السادس اللي بيشد في شعرها وبتقول لها:

"جواز إيه يا بنتي؟ والله الرجالة دول ملهوش أمان، كلهم صنف واحد.. أخلاق منحطة، وقلة ذوق، وبخل مشاعر. بصي لي أنا.. كنت زيك كده "نواره"، وشوفي دلوقتي بقيت عاملة إزاي؟ اوعي تغلطي

غلطتي وتدخلني السجن ده.. عيشي حياتك،
الجواز ده "مقبرة" للسيدات!"

المأساة:

عبير مش بتقول كده نصيحة، هي بتقول
كده عشان "تطفي" الفرحة في عين داليا.
هي عارفة إن داليا ممكن تتجوز شخص
محترم وتعيش حياة هادية، وده اللي
"عبير" مقدرتش تحققه. عبير بتستخدم
"نص دسنة عيالها" كدليل إدانة ضد
"مؤسسة الجواز" كلها، مع إن العيب مش
في الجواز، العيب كان في "إصرارها" على
تكبير الأسرة مع شخص هي عارفة إنه
مبيصلحش من أول شهر. هي عايزة
"داليا" تفضل آنسة "خايفة"، عشان عبير
متبقاش هي "الضحية الوحيدة" في العيلة.

نصيحة ودودة:

النصيحة الذهبية لكل "داليا" : خدي
"العبرة" من تجارب الناس، بس ماتاخدش
"العقدة". اللي فشلت في اختيارها وقررت
تكمل للآخر وهي بتشتكي، دي إنسانة
محتاجة "شفقة" مش "نصيحة". الجواز
رزق وتوفيق واختيار صح، وتجربة غيرك
"الفاشلة" هي تخصصها لوحدها. لما حد
يحاول يكرهك في الجواز لمجرد إنه فشل،
قولي له: ربنا يعوضك خير، بس أصابع
إيدك مش زي بعضها. استفتي قلبك وعقلك،
وخليك واثقة إن نصيبك هيكون أجمل بكثير
طول ما نيتك صافية.

الحكاية الثانية عشرة

"حب في الوش.. وقفص في الظهر"

قانون الصفار رقم (12):

كمية الـ "يا روعي" والـ "وحشتيني" اللي بتسمعيها وأنتِ موجدة، غالبًا بتكون هي هي نفس كمية "شفتي عملت إيه" و"لبسها كان وحش إزاي" اللي بتتقال وأنتِ غايبة. الأصفر هنا بيحب "يستمتع" بوجودك كواجهة، بس بيحقد عليك كـ "كيان".. فيغسل غله في غيابك.

صديقات الصدفة والنميمة

"سلوى".. البنت الجدعة اللي بتدخل المكان بضحكاتها، وبتفتكر إن كل اللي بيحضرها ده بيحبها بجد.

"شلة هبة ومي" .. البنات اللي "بيموتوا
في دبايب" سلوى وهي قاعدة معاهم.
تبدأ الحكاية:

سلوى دخلت الكافيه، "هبة ومي" قاموا
حضنوها وبوس و"وحشتينا يا بنتي"
و"إيه الشياكة دي!". سلوى قعدت معاهم
ساعة، وطول الساعة هما بيشكروا في
ذكائها وجمالها ولبسها. سلوى اعتذرت
علشان وراها مشوار وقامت مشيت.

مجرد ما سلوى خرجت من باب الكافيه،
"هبة" بصت لـ "مي" وابتسامتها اختفت:

"شفتي يا مي الطقم اللي هي لابساه؟ قديم
أوي وموضته راحت، وهي أصلاً تخنت جداً
بس بتحاول تداري.. وبعدين هي فاكرة
نفسها إيه؟ كل ما تقعد معانا تحكي عن
نجاحها في الشغل.. مغرورة أوي!"

مي ردت بصفار أشد: "والله يا بنتي عندك حق، أنا مكنتش طايقة ريحة البرفان بتاعها أصلاً، والضحكة بتاعتها دي مصطنعة جداً.. أنا مش عارفة الناس معجبة بيها على إيه، ولا يحبوا فيها إيه دي كمان، دي غلبانة أوي وبتحاول تعمل لنفسها قيمة!

المأساة:

سلوى في طريقها للبيت بعثت لهم رسالة: "بجد يا بنات اتبسطت معاكم جداً، بحبكم". هبة ردت في ثانية: "واحننا أكثر يا رويي". وهما في الحقيقة كانوا لسه بيكملوا تقطيع في فروتها، وبيطلعوا فيها "القطط الفطسانة" لمجرد إن وجودها كان "ضاغط" على أعصابهم بنجاحها وشياكتها، فكان لازم يهدوا "تمثال"

نجاحها ده في غيابها علشان يرتاحوا
نفسياً.

نصيحة ودودة:

النصيحة الذهبية لكل سلوى: متخذ عيش
بكثر البوس والأحضان والـ "لاف يو"
(Love you) اللي بتتقال في الوش. اللي
بتحبك بجد هي اللي بتصون غيبتك قبل
حضورك، وهي اللي لو حد جاب سيرتك
بكلمة وحشة في ضهرك، تقف وترد وتقول
"دي أحسن مننا كلنا". متزعليش لما
تعرفي إنهم بيقطعوا فيك، بالعكس.. ده
معناه إنك طول ما أنت موجهة، لسانهم
بيتعقد من الهيبة، ومبيقدروش يفتحوا بؤهم
غير لما بتمشي. خليك "نجمة" بتتور،
وسيبيهم هما يحكوا في الضلعة!

الحكاية الثالثة عشرة

"الزوج تحت السيطرة.. وصفار المدام
الحربوءة"

قانون الصفار رقم (13):

المدام الحربوءة مبتكتفـيش بامتلاك قلب
جوزها، دي لازم تسيطر على "ريموت"
علاقاته. الأصفر هنا بيحس بتهديد من أي
حد يفكر جوزها بإن ليه شخصية مستقلة،
فبتبدأ حرب "تطفـيش" بدم بارد، والضحية
هو الراجل اللي سلم عقله لمراته ومشى
وراها وهو مغمض.

خطة عزل الزوج

"عصام".. صاحب الجذع اللي كان روح
الشلة، لحد ما اتجوز "سوزي".

"سوزي حربوء".. الزوجة اللي بترفع
شعار "أنا ومن بعدي الطوفان"، وتعتبر
أصحاب جوزها "منافسين" على وقت
عصام وعقله.

تبدأ الحكاية:

عصام" كان دايماً مع أصحابه في الحلوة
والمرة، لحد ما "سوزي" بدأت تتفد
خطتها. كل ما عصام ينوي يخرج مع
أصحابه، سوزي تطلع له "الصفار" في
شكل نصيحة:

"يا حبيبي أنا خايفة عليك، صاحبك دول
بيجروك للسهر والتبذير.. وبعدين "وائل"
صاحبك ده أنا شفته ببصلك بنظرة مش
مريحة لما عرف إنك جيت الشقة الجديدة،

ده بيحسدك يا عصام! وبلاش "هاني" ده،
ده مراته مش طايقاني وأكيد بتسخنه علينا.

المأساة:

عصام، لأنه "ماشي وراها ومغمض"، بدأ
يصدق الأوهام دي. سوزي بدأت تخترع
مواقف محصلتش، وتفسر أي كلمة من
أصحابه على إنها "قلة قيمة" ليه. وصلت
لدرجة إنها كرهته في أعز أصحابه اللي
كان بيعتبره أخوه، وبقي عصام يقابلهم
ببرود وكأنه غريب.

سوزي نجحت إنها تخلي عصام "وحيد"
في جزيرة هي الحاكم الناهي فيها.
والنتيجة؟ عصام خسر أصحابه، وخسر
"عقله" اللي لغاه، وبقي مجرد "ظل"
لسوزي اللي فرحانة بانتصارها الأصفر،

وفاكرة إن ده حب، وهو في الحقيقة "سجن
انفرادي" غلفته بالاهتمام الكذاب.

نصيحة ودودة:

النصيحة الذهبية لكل "صاحب جدع"
بیشوف صاحبه بیضیع بسبب زوجة
حربوءة: لو صاحبك لغى عقله ومشى ورا
مراته في الظلم، يبقى "البعد أكرم". اللي
يبيع عشرة سنين عشان خاطر وشوشة في
ودنه، بكره الندم هياكله لما يكتشف إنه بقى
لوحده. والرسالة لكل زوج: الحب مش
معناه إنك تلغي شخصيتك وتخسر ناسك،
الست اللي تحبك بجد هي اللي تقوي
علاقتك بأهلك وصحابك، مش اللي تعزلك
عن الدنيا عشان تحس إنها امتلكتك. فوق

قبل ما تلاقي نفسك محاط بـ "صفار" واحد
بس.. هو اللي معاك في البيت!"

الحكاية الرابعة عشرة

"إنجاز الكوشة.. ومعجزة البامبرز"

قانون الصفار رقم (14):

الصفار هنا نابع من "فقر الطموح".
الشخصية دي بتعتبر إن اليوم اللي لبست
فيه الفستان الأبيض هو يوم "الفتح
العظيم"، وبتحول "الخلفة" من رزق طبيعي
لـ "بطولة أولمبية" بتكايد بيها البنات،
لمجرد إنها شايفة إن قيمة الست بتخلص
عند حدود عتبة بيت العدل.

الخارقة مدام إنجاز

"سلمى" .. بنت مثقفة، ملامحها هادية،
ومبدأها في الحياة "الجواز سكن مش
سباق"، ورافضة تتجاوز أي حد لمجرد إنها
تلحق القطر.

"شيماء إنجاز" .. اللي اتجوزت أول واحد
خبط على الباب (بسرعة البرق)، وخلفت
في أول سنة، ومن يومها وهي بتعامل مع
العالم كأنها "مخترعة الذرة".

تبدأ الحكاية:

في تجمع صحاب قديم، دخلت "شيماء"
وهي شايلة البيبي وكأنها شايلة "كأس
العالم". قعدت وبدأت "توزع صفار" على
الكل، وبالأخص "سلمى":

"يا روي يا سلمى.. لسه برضه "سينجل؟
والله يا بنتي أنا قلبي بيتقطع عليك، الحياة
من غير عيل يندهلك "ماما" دي حياة

فاضية أوي.. أنت مش متخيلة المعجزة
اللي أنا عملتها! أنا بجد حاسة إنني حققت
ذاتي، مش زيك قاعدة تذاكري وتشغلي
وفي الآخر إيه؟ الراجل والبيت هما اللي
بيعملوا قيمة لست يا حبيبتى.

المأساة:

شيماء مش بس بتباهي، دي بتقل من
"سلمى" العذراء اللي اختارت "نفسها"
على إنها ترمي نفسها في جواز فاشلة.
شيماء بتصور الخلفة كأنها "قدرة خارقة"
تخصها هي بس، وبتحاول تحسس سلمى
إن "عقلها وعلمها ونجاحها" ولا حاجة
قدام "تغيير الحفاضات". الحقيقة إن شيماء
"مرعوبة" من جواها إن سلمى تلاقى
الشخص الصح اللي يسعداها بجد، فبتحاول

تبروز "سرعتها" كأنها "شطارة"، وتداري
"فراغها الفكري" بـ "زفة ودبلة".

نصيحة ودودة:

النصيحة الذهبية لكل "سلمى": الجواز
مش سباق خيل، ومحدث بياخد ميدالية
ذهبية عشان اتجوز بدري. اللي بتتباهى
بالخلفة والجواز كإنجاز وحيد، هي في
الحقيقة بتقول "أنا معنديش حاجة تانية
أفتخر بيها". الفرق بينك وبينها، إنك
بتدوري على "حياة"، وهي كانت بتدور
على "لقب مدام". خليك فخورة بكرامتك
وبإرادتك، وافتكري إن "العذراء اللي
صانت نفسها وعقلها" أرقى بمليون مرة
من اللي رمت نفسها تحت القطر عشان

"منظرة كدابة" قدام الناس وهي من جواها
مش مبسوطة. القطر اللي يفوتك أحسن
بكتير من القطر اللي يدوسك!

الحكاية الخامسة عشرة

"هتخترع الذرة؟.. وصفار الفاشلين مهنياً"

قانون الصفار رقم (15):

النجاح العملي بيكشف "خبيّة" اللي
حواليك، وعشان هما مش قادرين يجاروا
سرعتك، بيسخدموا سلاح "التسفيه".
الأصفر هنا بيحاول يقتعك (ويقتع نفسه) إن
تعبك ده "مجهود ضايع"، وإنك "بتنفخ في
قربة مقطوعة"، لمجرد إنه لو اعترف
بنجاحك، هيضطر يعترف بفشله هو.. وده
طبعاً مستحيل.

حرب تكسير المقاديف

"ديلارا".. صاحبة أكاديمية، مجتهدة،
بتطور من نفسها كل يوم، وبتقدم محتوى
بيعلم الناس بجد وتعبت في كل "تطوير"
بتعمله.

"هيثم محبط".. الزميل اللي بقاله 10
سنين في مكانه، مبيعملش أي حاجة غير
إنه يشرب قهوة وينتقد اللي بيشتغلوا.
تبدأ الحكاية:

ديلارا نزلت "بوستر" لبرنامج تدريبي جديد
تعبت فيه شهور عشان يطلع بشكل
احترافي. "هيثم" شاف البوستر، وبدل ما
يقول "بالتوفيق"، دخل كتب تعليق (أو قاله
في وشها ببرود):

"ماشاء الله يا ديلارا.. بس مش شايفة إنك
مكبرة الموضوع شوية؟ يعني "ديجيتال

ستوري تيلر" و"أكاديمية".. ما هي كلها
فيديوهات في الآخر! والناس أصلاً مش
فاضية تتعلم، الناس عايزة اللي يرقص لها.
أنت بتضيي وقتك وفلوسك في حاجات
"أكاديمية" زيادة عن اللزوم، خليك واقعية
وبطي تعيشي في دور "المخترعة" !

المأساة:

هيثم مش بس بيسفه من ديلارا، ده بيحاول
"يهز" ثقتها في نفسها. هو مش عارف
يعمل نص اللي هي بتعمله، ولا عنده
"النفس" إنه يذاكر أو يطور مهارة واحدة،
فبيستسهل إنه يقول عليها "بتاعت منظرة"
أو "شغلها ملوش سوق.

الصفار هنا بيتحول لـ "سم بطيء"؛ كل ما
ديلارا تنجح، هو يقول: "دي ضربة حظ"،
ولما تفشل في حاجة بسيطة، يشمت

ويقول: "مش قاتلك؟ خليك في المضمون
وبطلتي طموح زايد!". هيثم عايز ديلارا
تفضل "عادية" زيه عشان ميحسش بصغر
نفسه قدام لمعانها.

نصيحة ودودة:

النصيحة الذهبية لكل ديلارا ولكل حد
"شاطر" في مجاله: اللي يسفه من نجاحك
هو أكثر واحد عارف إنك "سابقه بسنين
ضوئية". التسفيه هو "حيلة العاجز"
عشان يداري عيبه. لما حد يقولك "أنت
بتعمل إيه يعني؟"، قول له: بعمل اللي أنت
مش عارف تعمله. كمل في طريقك، وطور
الأكاديمية، واصنع حكاياتك، وخلي
"نجاحك" هو اللي يرد عليه.. لأن النجاح
هو "الخناقة" الوحيدة اللي بتكسبها من
غير ما تفتح بؤك، والصفار اللي في عينه

هو "الشهادة" الحقيقية على إنك بقيت في
حتى ثانية خالص!

روشتة النجاة

كيف تعيش بـ "أبيض" في عالم "أصفر"؟
عزيزي الناجي من "نبر" حمادة ونفسنة
"صفاء"، إليك خلاصة التجربة في 5 نقط،
اعتبرهم "مصل" ضد الحسد:

قانون "الداري على شمعتك": مش لازم كل
نجاح تنزله "ستوري" بالتفاصيل. خلي
النتيجة هي اللي تبان، والرحلة خليه
لنفسك.. عشان العين لما مابتلاقيش
"تفاصيل" بتهدا، والأصفر لما مبيعرفش
"المنبع" مبيعرفش "يسممه".

فلتر "يا بختك": أول ما تسمع كلمة "يا بختك" أو "إشمعنى أنت"، اقلب المحادثة فوراً لـ "الحمد لله، والله يا سيدي كل واحد شايل شيلته، والظاهر غير الباطن". ارمي كورة "الرضا" في ملعبهم وهما هيسكتوا.

البـلـوك النفسي قبل الإلكتروني: فيه ناس وجودهم في حياتك زي "الليمون المعصور" على الجرح. متهدرش طاقتك في تبرير نجاحك ليهم. اللي يسفه منك، ابتسم له ببرود وقوله: "عندك حق، أنا فعلاً بتعب نفسي زيادة.. عقبال ما تتعب زي كده وتوصل".

حصن "القبول": افكر دائماً إن "حب الناس" و"الرزق" دي تقسيمات إلهية. لما تحس بصفار اللي قدامك، استعيذ بالله وكمل

طريقك، لأن اللي معاه "رب القلوب"
مبيشغلش باله بـ "غل النفوس".

اضحك عليهم.. مش منهم: السخرية هي
أقوى سلاح. لما تشوف "طنط حشرية" أو
"سيد فتاي" داخلين عليك، اتفرج عليهم
كأنك بتتفرج على مسرحية كوميدية. حول
وجعك لضحكة، وساعتها سمّمهم مش هياثر
فيك.

كلمة أخيرة

يا مساء الرضا على كل حد لسه مكمل معانا
لحد الصفحة دي وشاشة موبايله لسه
سليمة!

إحنا مش بنكتب الكتاب ده عشان نكره
الناس، إحنا بنكتبه عشان "نحصن" نفسنا
بالضحك. الحياة قصيرة أوي عشان نعيشها
وإحنا باصين في "طبق" غيرنا، وأقصر
بكثير عشان نزعل من حد مش عارف
يشوف النور اللي فينا.

استمروا.. الصفار اللي حوالكم ده هو
"الوقود" اللي بيثبت إنكم منورين. لو
مكنش وش ناجحين ومحبوبين ومؤثرين،
مكنش حد كلف نفسه عناء "الصفار".

ملحوظة ختامية

لو الكتاب ده عجبك، ياريت متقولش "يا
بخت المؤلفه".. قول "ما شاء الله"
واشتري نسخة تانية لصاحبك الأصفر،
يمكن "يبيض" ونخلص من القصة دي!
تمت بحمد الله.. وقفنا المحضر ضد مجهول
(اللي هو إنت عارفه كويس)!

تتوييه أخير.. (ما تفرحوش أوي كده!)

عزيزي القارئ، لو فاكّر إننا كدة خلصنا كل أنواع الليمون اللي في السوق، تبقى لسه متعرفش "الأكاديمية" وصاحبها كويس.

الحقيقة إن "موسم الصفار" مبيخلصش، وكل يوم بنكتشف سلالات جديدة من المتحورين (نفسنة - 26). وعشان كده، أحب أظمن الضحايا وأحذر "المنفسنين": الكتاب ده مجرد "جس نبض" وجزء أول من سلسلة مطولة.

لو حكايتك لسه ما اتكتبتش، أو لو لسه فيه
"شخصية صفراء" في حياتك محتاجة
"عمرة وتوثيق"، استتوني في الجزء
الثاني.. لأن "الأرشيف" لسه مليان،
والصفار ملوش آخر.

إلى اللقاء في "محاط بالصفار - ليفل
الوحش".. قريبًا!

تمّت بحمد الله

